

海門縣志集之四

官守第七

夫天以天下授天子非爲天子也爲民也天子以爵祿寵百官非爲百官也爲民也親民之職莫切於守令而令之於民視守爲益親前世以郡守入爲三公郎官出宰百里或擇任守令必引對親視才否而授之凡以重民也民重故守令重守令重則天下國家重矣是故輕守令者輕民也輕一郡一邑之民是輕天下國家也不可懼也夫

國家之任守令其出也必簡閱名流其陟也必部寺臺省不可謂不重矣守令知己之重也必知重民民重而百善舉庶寮肅學校興措天下國家於太山九鼎者非守令之績矣乎海門有邑五代迄今前蒞是者豈無其人惜也故簡凋落無所於稽泯焉莫傳者亦衆矣綜所聞而章其

尤示勸沮也

縣職題名

宋

知縣

丞

主簿

尉

和至

沈起

見宦蹟

史彌遵

王安石

見宦蹟

元

元絳

見宦蹟

元

達魯花赤尹

丞

簿

典史

正至

張士良

見宦蹟

徐文顯

陳新

海門縣志集之四

二

國朝

知縣

縣丞

主簿

典史

武洪

徐伯善

元末

焦惟敬
三年

孫禮

常儀

於縣
兵火

季選

許亨

黃靖

建有
功創

劉墀

劉文郁

何良

駱士廉

霍蚤

范查林

劉聚

曲能

見三宦
十年蹟

王琮

李肅

徐安

齊福東

李琰

馬肅

張克箴

俱已無上

	德正					治弘			化成			統正				
	林熺 九年福建閩縣人由舉人	蔡獻 二年浙江象山人由監生				施紀 十一年浙江嘉興人由監生	黃乾仁 六年見宦蹟	柳珍 十二年本學訓導陞任	海門縣志集之四	林華 七年見宦蹟	劉斐 元年見宦蹟	曹本	李洪	虞振 元年見宦蹟	鄭開寧 元年浙江黃巖人有文名	
	曾智 四年湖廣漢陽人由監生	朱泰 元年江西南城人由監生	潘榮 十六年見宦蹟	魯鵠 十一年浙江常山人由監生	劉勝 十一年湖廣衡陽人由監生	王序 六年見宦蹟	李璞 元年四川人由監生	陳曄 十四年浙江永嘉人	七	林楊 七年福建長泰人由監生	柳珍 二年浙江仁和人由監生	王瑞	董佐	孫元肅 十五年見宦蹟	王德	鄭琬

宦蹟

宋

沈起字興宗明州鄞人進士高第調滁州判官
聞父病棄官歸侍喪免有司劾其擅去終喪薦
書應格當遷用帝謂輔臣曰觀過知仁由父疾
而致罪何以厚風俗而勸人子乃特遷之至和
中知海門縣海門負海地卑間歲潮作冒民田
舍民至棄業以避起爲築堤七十里引江水以

灌其田民遂復業爲立祠以報御史中丞包拯
薦爲監察御史累官天章閣待制知桂州卒
王安石字介甫江西臨川人少好讀書一過目
終身不忘其屬文動筆如飛擢進士第僉書淮
南至和中爲海門令治聲藉甚後遇神宗致位
宰輔卒謚曰文
元絳字厚之浙江錢塘人性敏悟五歲能詩登
第調江寧推官善摘伏後知海門時淮民多盜

販鹽制置使建言私販鹽滿二十斤者坐徒絳
曰海濱之民恃鹽以爲命非羣販比也笞而縱
之擢江西轉運判官知台州州大水絳置室以
處民甓城以禦漲後人守其法官至資政殿學
士
元
張士良陝西人由鄉舉至正中任海門尹修學
劭農有良吏聲

海門縣志集之四

十

季世衡河南人由鄉舉至正中任海門尹敷政
安民建學課士浙江中書省張天永撰記亟稱
之

國朝

曲能陝西隴西縣人洪武三十年任海門知縣
政平訟簡民甚宜之秩滿去民不忍舍留其靴
懸諸邑樓故老至今傳誦

馬駟廣東新會人成化五年由進士知海門政

才幹過人，不畏強禦，尤加意於學校，人才賴以振作。六年擢太僕寺丞，再擢知府。

韓明，浙江餘姚人。成化十年以進士知海門政。年少而才器，老成廉明，有爲門無私謁，尋拜監察御史。

蕭緒，江西萬安人。弘治十一年以舉人知縣事。質朴無華，誠心撫字，朔望蒞學，訓士勤勤。時民病江患，緒爲築堤捍潮，民甚賴之。

裴紹宗，字伯脩，陝西渭南人。正德十三年以進士知海門，坦率易直，不事雕飾。時江坍，民貧，疲於賦役，紹宗痛爲節縮，以圖撫綏。蒞任無何，卽奏蠲坍糧，以蘇民困。民有所犯，必不得已而後置於理，未嘗任情以盡法也。是以百姓愛之，眞如父母。當道上其治狀，徵拜兵科給事中。去之日，攀呼載道。後以職死，貧無以爲殮，邑士夫官都下者泣而賻之。海民聞者，無不歎息。今祀名。

宦祠

陳誨湖廣崇陽人以進士嘉靖六年知邑事明
爽有爲嘗䟽五事以蘇民病雖未得請而民咸
德之甫數月改無錫縣

陳錠湖廣江陵人以進士嘉靖十一年知海門
政性甚儉約省事惜費動循繩墨以父憂去行
李蕭然

桐曰於吾邑良吏遡宋迄今得二三子焉

何才之難耶荆公功名損於相業元學士
之賢至附時宰復何觀哉執德不渝其沈
待制裴黃門矣乎吾未見其止也羣焉者
善必撫焉亦采葑之義與或曰吏是邑者
有酷有墨有詐有愚弗錄以懲何居曰無
所述已矣非其大夫非所以居是邦也

趙邦秩字元叙浙江平湖人萬曆伍年進士知海門縣天性剛介不與世俗伍而其器宇雍和坦直見者莫不喜亦莫不化八歲時讀節用愛人之語慨然謂父上莘公曰此居官分內事也道千乘之國者如斯而已乎上莘喜曰是兒也他日必爲循良令其繼吾志矣及至任聞里甲以供役罄其家多逃外郡異之曰里長之設以束衆甲乃剥其膏血以供妄費乎上剥里役里

役剥衆甲民多逃亡戕此之由也乃首革焉既又令耆老各率其子弟而前諭之曰余之爲若父母也豈特足爾衣食使仰有事俯有育亦欲董教率作使順於父母睦於鄉黨也夫尔有父兄子弟矣長者教少者習即良民也舍是求良余無策焉老幼各悚然而退公自念曰民心振矣而舊染難即擺也自古未有不以身教而能起既敝之民者乃責教于身待老者必以殊禮

令勿拜第曰爾所事當念爲子弟式母恣情也
有少者至即委曲化導之曰明禁彰彰可以制
奸而余弗尚也尚其不犯刑者三月民俗大化
童子歡歌而無忤仟陌勸助而無兢颯颯有古
風焉維揚爲之謠曰真父來兮慶有餘真母至
兮婦子嬉民何有此幸兮實天所賜遊子在他
鄉兮其將回首而同居于是流移盡返由海灣
而東者數百家忽一日公疾民爭叩於巫巫者

卜不協吉流涕而言曰民無福民駭曰吾無福
則趙君不起矣吾願趙君起而死余趙君起而
死余余無憾也涕泣拜神祈以身代公竟不起
民恍恍憤憤市不爲肆居不聚談如喪考妣者
三越月方其疾也或以家事問不荅但曰海
地門
坍民削不能聊生吾膏中未竟事尚如積案而
今至此縷縷者其付于誰余已矣第此中難罄
說耳爲官者死於官家事奚知焉同郡官來視

疾公衣冠出床叩首曰不穀命在湏臾矣君念不穀尚爲不穀恤此庶民也如否者不穀死不瞑官涕泣曰敢不如命民聞之哭几失聲號于州曰趙君者真吾父真吾母也今日之死天不祐民上官其恤我乎願祀趙君於名宦祠以其芳聲淑來者不然海門其不更生乎州官泣允其議民又相聚曰趙君未有專祠也聚材於公館之東奠神居焉諸庠士又爭之曰公之功業

文章多士所式公之處心積慮程朱一体人也司教得人必從廟祀公館之側豈公居耶乃建于學宮之左以錢平崖例請於有司春秋祀之民時有謠曰海門其大幸兮天賜我真父海民其作咎兮忽奪予所怙情無聊兮寄於栢祠祠有南泉兮留公惠而澤吾脩遂名泉曰留惠泉士民又撮其大政十五事爲海門政要一曰審權量以杜弊端二曰革重役以節民財三曰革

積弊以絕奸貪四曰移冗兵以省民力五曰請
蠲銀以收人心六曰革煩苛以化奸暴七曰革
嚴禁以安作息八曰革冗禮以正士風九曰裁
經費以興學校十曰正文體以端士習十一曰
端身教以新民志十二曰廣詢謀以宏忠益十
三曰議增堤以全蕩課十四曰酌國典以杜民
奸十五曰積忠誠以致神應至其興革舉廢如
議坍糧出重囚禁贖銀停冗徵慎祀典振敝風

議迂廟尚有百餘事皆可爲後世式者固不能
殫述也昔有裴紹宗爲海門賢令故時人咸以
裴趙並稱云

集安曰趙元叙者非古今人所稱循良令
者哉治僅三月使一邑之民熙熙而忘憂
焉龔黃何以加此也迺其端矩率作俾沿
江之衆進于古風則魯公文翁曷以過焉
或者彭澤令之感民于八十日殆近之乎

吾觀君之矚然不淄與世之爲令者大異
殆非漢唐人物可比矣說者比之裴伯修
夫較以海門之令僅僅可例說云耳

石埭桂集安譔

海門縣志集之四

又十二

補五

虞振浙江山陰人天順間由鄉舉教諭海門嫺
於詞命勤磨礪以自飭

孫元肅浙江黃巖人正統十五年以經明行脩
被薦爲海門訓導勤推所學以淑諸生尤工於
詩所著有梅花百詠集官至王府長史

劉棐字靈夫江西泰和人成化元年以經明行
脩被薦教諭海門長古文詞其教人循循善誘
至今士林頌之

林華字舜元浙江山陰人由舉人教諭海門以
成就人才爲已任治尚書者多宗之

王序江西金谿人以鄉舉弘治六年訓導海門
仁厚謹飭未嘗有疾言遽色學有本源而不自
炫露人莫窺其際也

黃乾仁莆田人弘治六年以舉人任海門教諭
持身嚴肅雖盛暑必冠帶以臨諸生諸生服其
教無敢便服出遊者尤勤於訓迪夜深間出街
巷驗其讀書勤惰而勸懲之未及歲卒于官

潘榮浙江金華人弘治十六年由國子生訓導

海門謙謙謹飭知耻自愛對人接談未嘗一言
及利遂於經學每指授諸生必歸於正識者賢
之

王昺福州候官人由舉人嘉靖二年教諭海門
存心慈厚樂道人善而陰覆其短無賢不肖皆
樂親之精於麟經門下士多得其傳文詞老蒼
力追古作所著有雲樹集東海宦游紀傳于時
擢國子監博士再擢戶部主事卒海庠生爲遙

莫哀泣

桐曰古之教者行今之教者文古之仕者
學今之學者仕建學設官之意固如是耶
序也榮也質乾仁也端昺也厚君子以爲
可師矣肅也斐也敏振也脩華也毅殆庶
幾矣乎以文鳴者亦摭其采焉爾非教也